

R.: Dütt Röthsel haww' icc nau ni ehort. Dat fallt
wul de Kummidianen un de Zigöüners sien?"

H.: "Dat hifte mit Dinem allen Koppe mol richtig
gerooden. Nu säg mi äwwer mol, borümme lett me wul de
Heckenpacfaßche sou im Lande rümmmer strunzen? Se stiehlt
bu de Rawen un biedelt Olles, wat se verteht. Se fischet
bu en Fischkotter un jäget, wat se mit Hunden un Schlingen
blous fangen konnt. Se hecket Blagen bu de Kaninkens, dat
jo de Ort ni mol utstürwe. — Boutou hat wi denn de
Pollezei, un Schandarmen, un Gefängnisse, un Arretshöuser?
Wänn se mol Ernst föhlen, dann sollen se wul balle ut dem
Lande bliewen. Läztens had se in Schmillingen mol en
wacker Stück uteöiwet, dat will ic Di vertellen.

Ne Kummidianenbande tuog düsen Hirwest dürt Wal-
deggeske Land mit zwei, drei Wagens. Do wor en Herkules
bi, un en Löwenbändiger, un en Schlangenmensche un dänn
nau en Schnelleuper. Ose se hinger Schmillingen im Walde
lagen, reip de Herkules: "En Iggel, en Iggel!" Do mach-
ten se sik olle hingerdrinn, un balle hadde de Schnelleuper
en düchtig Schwien an den Auhren, dänn de Herkules hadde
sik verfeihñ, et wor kinn Iggel. Dat Schwieneken, wilket dem
Schwieneheeren furtelaupen wor, heil äwwer den veer Kee-
rels sou wacker stille; do dachten se: "Wi willt dat Deierken
mol für en Iggel behallen un iäten. Dänn säget et auf
nix dervan noh. Dat Schwienefläisch is auf zunt sou düer,
dat en ehrif Mensche et ni meih betahlen kann." Do heilen
se dem Fickelken den Rüssel tou, bungen em de Feute binein
un siägden et in den Wagen in't Bedde. Äwwer 't is nix
sou fien gespunned, et künmit duch an de Sunnen. En Mann
hadde de Fickelnjagd midde anneseihñ, de allemeerte glied dat
ganze Duorp. Do leipen de Schmillinger hinger den Süggé-
deiwen hier un hadden se balle innelanget. De Keerels
wollen nu vam Fickeln gar nix wietten. Do dürsochde me